

ulavaisa taratuahlicuaku tənəm

tənəm, kani'i maci ihlaku ami ia, mataingalə matalakiahləisana,
ucaniika kunaku akitan tənəmna. tənəmna, ihlaisa arumuka acancancihli
musa paranaisa. macahliaku, kani'i tənəmna, tamuucu maranarə, uka'aka
cəpəngaisa. atəhləngu tənəmna tamuucuaku hlipatəkəhlə. hlatumuaku
musa kumita tənəm.

apumia hlisuhlata hlipimia suhlatəna, tamuucuaku pumahləməhləngu,
tənəmna, tam valakucu, valacukuisa muruasihlangə, tamuucu məməə
makarimikimi, marəm hla maparicupucu, tamuucu
kuatalakiahlə maritara'əhla. tənəmna, ihlaisa maranarəisa, tuahləə
tualangaisana tarətatəkəhlə sakərahla hla hləhləngu. kani'ina ia ausi cucu'u
mangusipina, ucanii maci musuarai sakərahləna, iniciki tuahlə kiracacani
mukakakua maramacua sipangəhləva. siuamia cucu'u mangusipina, tam
mələngəsə, kuakitika uamia 'ahliacuvungana, ma kani'i uamianana,
karəkəhlə muruamita ahliacuvungau langəlangə ta'iaara, tumuau pi
pahlumiamia musa patahliəngəcaisana, macuaku pacəpəcəpəngu ia aunana
sitakuamiana, iniciki tuahləita aramuamuarə arataisa! kani'i sala'ana
kuatalakiahlə uamia, tarətatətatəkəhla taruatəhla, kupaiatuhluhlu ia

makacanikia milakupu. mucuu manganə mukakakua 'ahliacuvunga ia,
pasamanganə masakə, kuparapihli langəlangəna malitənəhlə, kumakitacu
kupi patəpatəkua tənəm.

umaria ənəm caihli rumahlə, tarəanahlamu məcəkəhləka
tumahlə varu'u mamaini umaiiapə, hliarimiaisə
rianə mataingalə mavacangə ihlaku. tamuucuku maliatənəhlə, pakiaturuaku
kuapasalivutu ihlaku, marumana patəkiku apasamanganə ihlaku,
matumuhlə hlivuraisə pakiaturuana mavacangə təkə hla sipaiatuhluhla.
mairahlu hlipasamanganə ia marua mavacangə hlita'iaara, kani'inaani
kiatarari, atəahliku mavacangə cukəhləngu. ma kani'i hliməngənguaku
vatu'una, tuahlicuaku matahlisaua tikiku, hlitakumacuku micalivi ihlaku
hlitakacicihli. kani'i pasamiana paracahlia ihlaku sitakuamia, kamicicu
pasamanganə pakipuhlu hlita'iaara, maniki taisə sitakualangəlangəna
tuahlə tumasəkəra, tətərə hlitakumia pihliulava! ihlaisə kana'a, inicaku
kumitan tənəm! tamuucuaku puamacu, kamicicu pacani
təkə pasamanganə, tətərə aramasahli maramacu sipangəhləvana.

(文章大意 僅供參考) ※字數限 200 字

我終於見到了大海

我從未見過「海」，一直都充滿好奇心，渴望去看看。海是廣闊的，它容納河、溪，如同人生，只有跨越了小河，才能邁向成功的大門。在旅途中，若你勇往直前，奮力得向上爬，不像困難屈服，就會見到無邊無際的大海！

六年級時，班轉來了許多學生，成績都比我好，讓我壓力百倍。這是老天給我的考驗吧！老師常鼓勵我，皇天不負苦心人，我取得非常好的成績，讓我領悟到，只要付出努力，困難再大也能打破並獲得豐碩果實！我終於見到大海了！